

# Službenici policije MUP TK-a izvršili pretrese na više lokacija

13.07.2012 13:53



Službenici policije MUP TK-a su zajedničkim radom na sprečavanju, otkrivanju i pronalasku izvršioca krivičnih djela iz oblasti imovinskih delikata na području Tuzlanskog kantona, a na osnovu naredbi općinskih sudova i uz saglasnost kantonalnog tužioca, izvršili pretrese na ukupno petnaest (15) lokacija, u općinama Kalesija, Živinice, Gradačac, Gračanica, Lukavac i Tuzla.

Prilikom navedenih pretresa, službenici policije pronašli su veći broj predmeta, za koje postoje osnovi sumnje da se mogu dovesti u vezu sa krivičnim djelima "Teške krađe", "Krađe", "Krivotvorenja isprave" ili drugim krivičnim djelima, a radi se o sljedećim predmetima:

- 2 diplome srednje škole,
- 7 svjedočanstava srednjih škola,
- 1 uvjerenje,
- 1 diploma bez generalijskih podataka,
- 1 CD sa natpisom Konkurs,
- 1 vazдушna puška,
- 1 ručna bomba,
- manja količina municije,
- 1 agregat,
- tehnički predmeti (motorna pila, bušilica, brusilica i sl.)
- 1 metalni "pajser",
- više saobraćajnih dozvola.

Tokom provođenja navedenih aktivnosti, službenici policije su izvršili kriminalističku obradu nad nekoliko lica, dok su pronađeni predmeti izuzeti radi poduzimanja daljih mjera i radnji na utvrđivanju njihovog porijekla.

Službenici policije MUP TK-a nastavljaju istragu u vezi navedenih krivičnih djela, odnosno daljnje rasvjetljavanje i dokumentovanje istih.